



Pecyn Cais am Swydd

Cydlynnydd Gweithrediadau



Rubicon Dance
Stryd Nora
Caerdydd
CF24 1ND

02920 491477
info@rubicondance.co.uk
www.rubicondance.co.uk

Annwyl Ymgeisydd

Diolch i chi am fynegi diddordeb mewn gweithio gyda Rubicon Dance yn ein rôl newydd ei chreu fel Cydlynnydd Gweithrediadau. Mae hwn yn gyfle cyffrous i gydlynu gweithgareddau cyfleusterau a gweinyddu yn Rubicon Dance.

Mae Rubicon Dance yn bodoli i ddatgloi hunanfyngiant fel y gall bobl ddarganfod eu potensial, teimlo cymhellant a chysylltiad â'r byd. Credwn y dylai pawb gael y cyfle i feithrin eu talentau unigol. Dyna pam ein cenhadaeth yw herio safbwyntiau traddodiadol o'r hyn y mae'n golygu i ddawnsio; boed hynny'n lle yr ydym yn dawnsio, gyda phwy yr ydym yn dawnsio, neu sut olwg sydd ar fynegiant artistig.

Fel llawer o sefydliadau celfyddydol, mae Rubicon wedi dod trwy sawl cyfnod heriol dros y blynyddoedd diwethaf ond rydym wedi bod yn ymgymryd â phroses eang o adnewyddu ac ailstrwythuro sydd wedi ein harwain i adennill persbectif cadarnhaol, a'r hyder i greu rolau deinamig newydd o fewn y sefydliad.

Yn y pecyn hwn mae gwybodaeth gefndir, ynghyd â'r manylion ymarferol sydd eu hangen arnoch i wneud cais am y swydd. Os oes gennych unrhyw gwestiynau, neu os hoffech sgwrs anffurfiol a chyfrinachol am y rôl, cysylltwch â ni i drefnu hyn drwy anfon e-bost at info@rubicondance.co.uk. Am fwy o wybodaeth am Rubicon Dance, ymwelwch â'n gwefan www.rubicondance.co.uk.

Diolch eto am eich diddordeb yn Rubicon Dance. Edrychwn ymlaen at dderbyn eich cais.

Yn gywir,

Simon Morris
Prif Swyddog Gweithredol
Rubicon Dance



Teitl Swydd: Cydlynnydd Gweithrediadau

Rhan-amser (17.5 awr yr wythnos)

Cyflog: £26,500-28,000 y flwyddyn pro rata (£13,250-14,000 y flwyddyn)

Yn adrodd i: Rheolwr Gweithrediadau

Yn gyfrifol am: Staff Cyfleusterau a Gweinyddol

Gweler y siart sefydliadol cyfredol sy'n dangos strwythur y cwmni, gan gynnwys y perthnasau atebolrwydd rhwng gweithwyr.

Pwrrpas cyffredinol y rôl hon:

Mae'r Cydlynnydd Gweithrediadau yn gyfrifol am ddatblygu a chydlynu gweithgareddau gweithredol a gweinyddol Rubicon Dance o ddydd i ddydd er mwyn sicrhau effeithlonrwydd a chynhyrchiant o fewn y sefydliad. Mae'r rôl yn canolbwyntio ar ddarparu cymorth sefydliadol i weithwyr, cyfranogwyr a chleientiaid y cwmni, er mwyn sicrhau bod gweithrediadau'r busnes yn rhedeg yn ddidrafferth.

Sut i Wneud Cais: anfonwch CV a llythyr eglurhaol at info@rubicondance.co.uk

Dyddiad cau ar gyfer ceisiadau: Hanner nos, dydd Sul 4 Hydref 2026

Cyfweliadau: 15 Hydref 2026

Dylai eich llythyr eglurhaol esbonio pam eich bod yn meddwl eich bod chi'n addas ar gyfer y swydd a dangos eich profiad a'ch sgiliau yn unol â Manyleb y Person yn adran Disgrifiad y Swydd. Gallwch gyflwyno hyn ar ffurf ysgrifenedig, trwy fideo neu ffeil sain, neu mewn unrhyw ffordd arall sy'n hygyrch i chi.

Ni ddylai llythyrau ysgrifenedig fod yn fwy na dwy dudalen.

Ni ddylai ceisiadau fideo/sain fod yn hwy na 10 munud.

Os hoffech wneud cais mewn fformat arall, cysylltwch â ni.

Mae Rubicon Dance yn gyflogwr Cyfleoedd Cyfartal ac wedi ymrwymo at wella ei amrywiaeth i adlewyrchu'r cymunedau y mae'n eu gwasanaethu. Rydym yn croesawu ceisiadau gan bobl o bob cefndir ac yn annog yn arbennig unigolion sydd â safbwyntiau a phrofiadau amrywiol i wneud cais.

Os oes gennych unrhyw gwestiynau ynghylch y rôl hon, mae croeso i chi anfon e-bost at Rubicon Dance at info@rubicondance.co.uk, neu ffoniwch 02920 491477.

Am Rubicon Dance



Rubicon Dance yw'r sefydliad dawns gymunedol hynaf yng Nghymru ac wedi bod yn darparu dawns i bobl o bob oedran a gallu ers 1975. Rydym yn darparu cyfleoedd i ddawnsio i bobl a chymunedau ledled Caerdydd, Casnewydd, a Bro Morgannwg, ac rydym wedi adeiladu enw da cryf a gydnabyddir yn genedlaethol am ein gwaith mewn ysgolion, lleoliadau gofal cymdeithasol ac iechyd, a lleoliadau cymunedol o bob math, yn ogystal ag yn ein stiwdios pwrpasol ein hunain yn Adamsdown.

Mae Rubicon yn datblygu ac yn cefnogi'r sector dawns yng Nghymru drwy ddarganfod, meithrin a churadu talent ble bynnag y bo. Rydym yn darparu amrywiaeth o lwybrau dilyniant i ddawnsyr o bob oedran, gan eu galluogi i archwilio eu cariad tuag at ddawns a ffynnu'n greadigol. Trwy ein grwpiau perfformio a chyrsgiau addysg ffurfiol ac anffurfiol, rydym yn annog unigolion i ddatblygu eu sgiliau artistig, ac rydym yn darparu datblygiad proffesiynol parhaus a rhwydweithio i'r gweithlu dawns ledled Cymru trwy ein Rhaglen Hyfforddiant Cymru Gyfan.

Ein gweledigaeth yw Cymru amrywiol, fywiog a chynhwysol lle gall unrhyw un, yn unrhyw le, mwynhau llawenydd a buddion dawns, i'w llawn botensial a dyhead.



Mae ein gwaith yn y gymuned yn dod â chyfleoedd ysbrydoledig, cynhwysol, diogel a dengar i ddawnsio a symud i bobl yng Nghaerdydd a De Cymru, yn enwedig y rheini a fydd efallai yn wynebu rhwystrau rhag dawnsio. Trwy ein gwaith addysg a gyrfa, rydym yn darparu datblygiad sgiliau, llwybrau dilyniant gyrfa ac addysg ddawns ardderchog i ddarparu ddawnsywyr proffesiynol a ddawnsywyr proffesiynol presennol.

Ein gweithgareddau elusennol

Gwrthrychau elusennol Ymddiriedolaeth Theatr Dawns Cymru yn masnachu fel Rubicon Dance yw:

Er budd y cyhoedd, i faethu, hybu a chynyddu diddordeb y cyhoedd yn wybodaeth, dealltwriaeth ac ymarfer dawns (gan gynnwys ond heb fod yn gyfyngedig i ddawns gyfoes, dawns gymunedol, a ffurfiau dawns fodern eraill) ac i hybu, helpu a darparu cyfleusterau ar gyfer cyflwyniadau o ddawnsio o'r fath a hyfforddi ddawnsywyr a choreograffwyr.

Er mwyn gallu cyflawni ein pwrpas, rydym yn ymgymryd â gweithgareddau o fewn tair prif raglen:

Addysg

Mae'r gwaith hwn yn cynnwys ein Rhaglen Dawns Ifanc, lle rydym yn darparu hyfforddiant dawns TGAU yn ogystal â'n cwrs dawns llawn amser (BTEC lefel 3 Diploma Estynedig). Mae'r ddau gwrs yn paratoi pobl ifanc dawns o Gymru ar wahanol gamau eu datblygiad ar gyfer mynediad i addysg uwch a'r prif gonservatoires. Cynllunnir y rhaglen TGAU hefyd i ganfod talent drwy weithio gydag ysgolion uwchradd a darparu hyfforddiant dawns o ddwysedd uchel er mwyn annog mwy o bobl o gefndiroedd amrywiol i ystyried gyrfaedd yn y sector. Mae'r cwrs llawn amser wedi rhedeg ers 1986 ac yn darparu myfyrwyr â'r sgiliau technegol yn ogystal â'r pwyntiau UCAS angenrheidiol i symud ymlaen at y graddau sy'n cael eu cynnig gan y conservatoires. Ers ei sefydlu, rydym wedi hyfforddi cannoedd o bobl ac yn ymfalchïo'n fawr iawn yn dilyn dilyniant eu gyrfaedd, ac mae'r cwrs yn rhan bwysig o'r ecosystem ddawns yng Nghymru.

Dawns Gymunedol

Yn y rhaglen hon, rydym yn ymgysylltu â chymunedau – yn gyffredinol ond hefyd mewn lleoliadau penodol megis ysgolion, ysbytai a mannau eraill – i'w galluogi i ddawnsio. Rydym yn meithrin cyfranogiad a diddordeb mewn dawns, hunanfyneiant ein cyfranogwyr ac yn darparu cyfleoedd i symud gyda llawenydd lle y gallant fod yn brin. Rydym yn herio safbwyntiau traddodiadol o'r hyn y mae'n golygu i ddawnsio; boed hynny'n lle yr ydym yn dawnsio, gyda phwy yr ydym yn dawnsio, neu sut olwg



sydd ar fynegiant artistig. Mae'n mynd y tu hwnt i berfformio mewn lleoliadau theatr traddodiadol ac yn cwmpasu rhestr o ffyrdd amgen o fynegiant artistig sy'n tyfu o hyd.

Hyfforddiant Cymru Gyfan

Mae ein Rhaglen Hyfforddiant Cymru Gyfan yn ceisio ysbrydoli a chynnal dawns gymunedol yng Nghymru drwy ddarparu hyfforddiant i unrhyw gyfranogwr sector mewn ffordd strategol, sy'n ymateb i anghenion yr ecoleg dawns. Mae'n mynd i'r afael ag anghenion cymorth a datblygiad ymarferwyr dawns gymunedol llawrydd o fewn cyd-destun ehangach y tirlun dawns gymunedol ledled Cymru. Trwy'r rhaglen hon, rydym yn cyfrannu at ddatblygu gweithlu'r sector dawns a gwell darpariaeth dawns gymunedol drwy gynnig cyfleoedd amrywiol, rheolaidd a pherthnasol i ymarferwyr dawns ar bob cam o'u taith gyrfa.

Perfformiad a chyflawniadau

Gwaith cymunedol

Yn ystod 2023-2024 cynhaliwyd 1,672 o sesiynau a fynychwyd gan 15,451 o gyfranogwyr yn gorfforol a 531 a oedd yn mynychu yn rhithwir. Roedd cwmpas y gwaith cymunedol a gynhaliwyd gennym yn cynnwys gweithio gyda phobl ifanc mewn ysgolion ac yn ein stiwdios dawns wedi'u lleoli yng nghalon Adamsdown yng Nghaerdydd. Yn ogystal â hyn, rydym wedi cynnig rhaglenni ardderchog a gwerthfawrogwyd yn fawr mewn cartrefi gofal ac ysbytai, sesiynau ar-lein ar gyfer pobl yn gwella ar ôl gyflyrau meddygol difrifol, ac ein dosbarthiadau rheolaidd i oedolion yn Stiwdios Rubicon Dance.

Roedd y gwaith a wnaethom mewn sesiynau mewn ysbytai yn cynnwys niwroseiciatreg, anafiadau i'r ymennydd, adsefydlu wedi strôc, gwasanaethau iechyd meddwl i'r henoed, a meddygaeth integredig ar gyfer cleifion gyda dementia a dryswch. Hefyd roeddem yn parhau i weithio gyda chyfranogwyr gydag anabledau o bob oedran gan gynnig ystod o sesiynau wedi'u cynllunio i fod yn addas i anghenion a gallu'r cyfranogwyr.

Gwaith gyrfa ac addysg

Cyflwynwyd 436 sesiwn seiliedig ar gwricwlwm i 19 ysgol yn 2023-2024 a fynychwyd gan 857 o ddisgyblion gyda ffigur mynychu o 7,998. Dros y flwyddyn ddiwethaf roeddem y falch i gael 19 o bobl ifanc drwy eu TGAU Dawns a 15 mwy drwy'r rhaglen BTEC. Roedd ein sioe diwedd y flwyddyn yn arddangosfa ragorol o sgiliau a chreadigrwyd y bobl ifanc anhygoel hyn a chafodd dderbyniad da gan bawb a fynychodd. Mae *The Leverhulme Trust* wedi parhau i gefnogi rhaglen Rubicon i ganfod talent gan weithio'n uniongyrchol gydag ysgolion uwchradd – mae'r rhaglen yn darparu hyfforddiant dawns o ddwysedd uchel er mwyn annog mwy o bobl o gefndiroedd amrywiol i ystyried gyrfaedd yn y sector.



Rhaglen Hyfforddiant Cymru Gyfan

Mae Rubicon wedi parhau i ddod â chymuned dawns broffesiynol Cymru at ei gilydd drwy arwain ar Raglen Hyfforddiant Cymru Gyfan a chynnal cyfarfodydd strategaeth a rhwydwaith rheolaidd ledled Cymru. Cynigwyd 96 o sesiynau wedi'u mynychu gan dros 500 o gyfranogwyr proffesiynol, gyda Fforymau Ymarfer a rennir ochr yn ochr â sesiynau Cymorth Lles ac Ymarfer Creadigol un-i-un ychwanegol, sesiynau iaith Gymraeg wedi'u hanelu at hybu hyder mewn defnyddio'r Gymraeg o fewn lleoliadau dawns a chyfres Siaradwyr Gwadd sy'n edrych ar bobl allweddol sy'n gweithio yn ecoleg dawns Cymru..

Mae cyrhaeddiad eang Rhaglen Hyfforddiant Cymru Gyfan wedi ein galluogi ni i gysylltu ag ymarferwyr dawns ar draws y wlad, gan gynnwys Y Fenni, Bangor, Caernarfon, Caerffili, Caerdydd, Aberteifi, Caerfyrddin, Ceredigion, Arberth, Castell-nedd, Casnewydd, Port Talbot, Powys, Rhondda Cynon Taf, Abertawe a Bro Morgannwg.

Rhai o'r adborth a gawsom yn 2023-2024

"Mae pobl yn gallu anghofio am eu hanableddau, anghofio am eu poen. Mae yna ddihangdod ynddo. Mae cerddoriaeth wedi'i gwifro'n ddwfn er waethaf anaf i'r ymennydd ac mae cymryd rhan y eu gwneud nhw'n hapus"

- *Aelod Staff GIG*

"Gyda WWTP, mae'r dull o weithredu yn hollgynhwysol.... Dim ots beth yw'ch oedran neu brofiad mae yna ryw beth i bawb. ... Mae'r sesiynau hyn yn rhoi cyfleoedd i weithwyr llawrydd ... (ac).. maen nhw'n gwrandao ar yr hyn sydd angen arnon ni ac yn gwneud popeth a allan nhw i gynnig adnoddau..."

- *Cyfranogwr, Rhaglen Hyfforddiant Cymru Gyfan.*

"Des i o hyd i Rubicon pan oeddwn i'n 17 oed ac wedi cyrraedd croesffordd am ba lwybr i gymryd. Cefais groeso cynnes gan Rubicon a oedd yn fy meithrin drwy rai o'r blynyddoedd mwyaf pwysig o ddatblygiad i artist uchelgeisiol ifanc. Yn Rubicon, cafodd fy unigolrwydd ei ddathlu, cafodd fy nghreadigrwydd ei herio ac enillais y dechneg a gwybodaeth i sicrhau lle yn ysgolion dawns galwedigaethol lefel gradd.

Ers imi raddio rydw i wedi teithio'r byd yn perfformio. Rydw i wedi dawnsio ar daith y byd y *Queen Mary 2* urddasol, wedi perfformio ar hysbysebion a chyfresi teledu, wedi dawnsio yn nhŷ opera brenhinol Dubai, a dros y 3 mlynedd diwethaf wedi bod ar daith o gwmpas y DU gyda dawnsiwr proffesiynol *Strictly Come Dancing*, gan berfformio yn y *West End* am y tro cyntaf yn 2022. Ar hyn o bryd rydw i'n gapten dawns ar daith y DU hynod boblogaidd Johannes Radebe, '*House of JoJo*' ac yn mwynhau bob eiliad. Rydw i mor ffodus fy mod i'n caru fy swydd gymaint, a byddaf i'n ddiolchgar i Rubicon am byth am wneud hyn i gyd yn bosibl"

- *Cyn-fyfyriwr BTEC*

"Dwi'n teimlo bod gen i grŵp arall o ffrindiau nawr yn eich dosbarth ac mae rhai ohonon ni wedi bod yn mynd am goffi! Diolch, Sophie, am dy frwdfrydedd ac am fynd â fy meddwl oddi wrth y poen am sbel fach! "

- *Cyfranogwr Sesiwn Cymunedol*



"Dw i erioed wedi teimlo cysylltiad mor gryf â dawns ledled Cymru ag ydw i drwy Raglen Hyfforddiant Cymru Gyfan"

- *Cyfranogwr*

"Mae dod i ddawnsio yn wych. Mae'n dda i'r ymennydd, gwrthsefyll unigedd, gydag athro anhygoel sydd wastad yn gwenu "

- *Cyfranogwr Sesiwn Cymunedol*

"Efallai bydd gan gleifion wendid corfforol, efallai bod nhw wedi colli'i leferydd neu'n ddi-eiriau. Mae'r sesiynau yn rhoi 'llais' iddyn nhw ac maen nhw'n gallu dangos eu personoliaeth"

- *Aelod staff GIG*

Disgrifiad Swydd

Teitl Swydd: Cydlynnydd Gweithrediadau

Rhan-amser (17.5 awr yr wythnos)

Cyflog: £26,500-28,000 y flwyddyn pro rata (£13,250-14,000 y flwyddyn)

Yn adrodd i: Rheolwr Gweithrediadau

Yn gyfrifol am: Staff Cyfleusterau a Gweinyddol

Pwrpas cyffredinol y rôl hon:

Mae'r Cydlynnydd Gweithrediadau yn gyfrifol am ddatblygu a chydlynu gweithgareddau gweithredol a gweinyddol Rubicon Dance o ddydd i ddydd er mwyn sicrhau effeithlonrwydd a chynhyrchiant o fewn y sefydliad. Mae'r rôl yn canolbwyntio

Cyfrifoldebau Allweddol

- Cydlynu a datblygu gweithgareddau gweinyddol a thasgau gweithredol ar draws y sefydliad, gan gynnwys archebu ystafelloedd, dyrannu stiwdios, amserlenni a chalendrau'r sefydliad, a monitro dyddiadau adolygu polisïau.
- Goruchwyllo'r gwaith o gynnal a diweddarau'r holl gofnodion personél, gan gynnwys gwyliau blyneddol, absenoldeb salwch, hyfforddiant, gwiriadau DBS, contractau a manylion cyswllt, yn ogystal â chefnogi'r prosesau cynefino ar gyfer staff a gwirfoddolwyr.
- Goruchwyllo'r gwaith o gasglu a chynnal data, gan gynnwys cofnodion cyfranogwyr, cofrestrau, systemau gwerthuso a thystiolaeth adrodd, gan sicrhau cysondeb prosesau a chydymffurfiaeth â fframweithiau cyfreithiol cyfredol.
- Cefnogi'r Rheolwr Gweithrediadau gyda rheoli cyfleusterau a chynllunio gweithredol, gan weithredu fel y pwynt cyswllt cyntaf ar gyfer materion cynnal a chadw'r adeilad a chysylltu â chontractwyr a chyflenwyr.
- Helpu i ddyrannu adnoddau ymarferol, gan gynnwys trefniadau cyflenwi staff.
- Darparu cymorth gweinyddol a chyfathrebu i staff, cydweithwyr a rhanddeiliaid, gan ymateb i ymholiadau dros y ffôn ac e-bost, a darparu gwasanaeth derbynfa lle bo'n briodol.
- Cydlynu'r gwaith o ymdrin ag arian parod, gan gynnwys incwm o ddosbarthiadau a mân arian, bancio, a chysoniad cadw cyfrifon.
- Casglu a pharatoi gwybodaeth am y gyflogres a threuliau ar gyfer y tîm cyllid.
- Adolygu a gwella systemau a gweithdrefnau gweinyddol y sefydliad yn rheolaidd, gan gynnal cofnodion, adroddiadau a gohebiaeth gywir.
- Gweithredu fel Swyddog Arholiadau dynodedig y sefydliad, gan gynnwys cysylltu â byrddau arholi allanol.
- Darparu cymorth cyfathrebu a hyrwyddo lle bo angen.
- Ymgymryd â gweithgareddau ychwanegol yn ôl y gofyn sy'n cyd-fynd â blaenoriaethau'r sefydliad a gwybodaeth arbenigol, a darparu cymorth hyblyg ar gyfer digwyddiadau, rhaglenni a gweithgareddau ar draws Rubicon lle bo angen.

Byddwch Yn

- Gallu gweithio'n effeithiol ar eich liwt eich hun a rheoli eich llwyth gwaith eich hun
- Dangos parodrwydd i ddysgu ac addasu i sgiliau newydd sy'n gysylltiedig â'r rôl
- Gallu addasu, bod yn hyblyg a theithio yn ôl yr angen er mwyn cyflawni'r rôl
- Perchen ar gar ac yn yrrwr sydd â thrwydded ddilys ac yswiriant sy'n cynnwys defnydd busnes; neu fod â mynediad dibynadwy at gludiant cyhoeddus neu breifat addas; a gallu a bod yn barod i gludo unrhyw eitemau sydd eu hangen i gyflawni'r rôl
- Barod ac yn gallu gweithio gyda'r nos ac ar benwythnosau pan fo angen, yn enwedig yn ystod digwyddiadau neu weithgareddau a arweinir gan wirfoddolwyr
- Cynnal gwerthoedd y sefydliad a chefnogi ein hamcanion, yn fewnol ac yn allanol
- Darparu cymorth a chynghor ymarferol i aelodau eraill o staff a chyfrannu at drafodaethau cynllunio busnes
- Cynnal safonau lechyd a Diogelwch o fewn Rubicon Dance ac mewn safleoedd eraill a ddefnyddir i gyflawni gwaith Rubicon Dance
- Cynnal ymddangosiad trwsiadus a phroffesiynol bob amser wrth weithio i'r sefydliad
- Cyflawni unrhyw weithgareddau neu ddyletswyddau eraill yn ôl gofynion y sefydliad

ar ddarparu cymorth sefydliadol i weithwyr, cyfranogwyr a chleientiaid y cwmni, er mwyn sicrhau bod gweithrediadau'r busnes yn rhedeg yn ddidrafferth.

Manyleb y person

Mae hon yn fanyleb o'r profiad, y sgiliau ayb sydd eu hangen i gyflawni dyletswyddau a chyfrifoldebau'r swydd yn effeithiol (fel yr amlinellir yn y disgrifiad swydd) ac mae'n sylfaen ar gyfer y broses ddewis.

Gofynion	Hanfodol	Dymunol
Addysg a Chymwysterau		
Gradd Baglor mewn pwnc perthnasol neu brofiad proffesiynol cyfatebol		✓
5 TGAU ar radd 4 neu uwch, gan gynnwys Saesneg a Mathemateg	✓	
Cymhwyster rheoli prosiectau neu brofiad proffesiynol cyfatebol		✓
Cymhwyster diogelu neu achrediad blaenorol		✓
Cymhwyster iechyd a diogelwch neu achrediad blaenorol		✓
Profiad		
Profiad o weithdrefnau swyddfa mewn sefydliad bach	✓	
Profiad o weithio yn y sector cymunedol neu mewn lleoliadau eraill sy'n delio â'r cyhoedd		✓
Profiad o wasanaeth cwsmeriaid	✓	
Profiad o gynnal cofnodion, amserlenni neu systemau gweinyddol	✓	
Profiad o reoli cyfryngau cymdeithasol a chyfathrebu digidol		✓

Sgiliau, gwybodaeth a galluoedd		
Sgiliau TG cryf, yn enwedig y rhai sy'n ymwneud â phrosesu geiriau, taenlenni a phrosesu data	ü	
Sgiliau trefnu rhagorol	ü	
Sgiliau cyfathrebu ysgrifenedig a llafar rhagorol	ü	
Y gallu i weithio'n annibynnol a gweithio'n dda fel rhan o dîm	ü	
Gwybodaeth, dealltwriaeth a phrofiad o ddarpariaeth greadigol mewn lleoliad cymunedol		ü
Dealltwriaeth o gyfrifoldebau diogelu	ü	
Y gallu i siarad Cymraeg neu barodrwydd i ddysgu		ü

Bwriedir fod y disgrifiad swydd hwn yn arwydd amlinellol o feysydd cyffredinol o weithgaredd a all gael ei ddiwygio yng ngoleuni newidiadau i anghenion Rubicon. Disgwylir y bydd deiliad y swydd mor gadarnhaol a hyblyg â phosib wrth ddefnyddio'r ddogfen hon fel fframwaith.

Rubicon Dance – siart presennol y sefydliad

